



**FAKULTET
POLITIČKIH
NAUKA**

BOSNA I HERCEGOVINA

FEDERACIJA BOSNE I HERCEGOVINE

STRUČNA SLUŽBA DOMA NARODA PARLAMENTA FEDERACIJE BOSNE
I HERCEGOVINE

PLAN

OBAVLJANJA STUDENTSKE PRAKSE

između

**STRUČNE SLUŽBE DOMA NARODA PARLAMENTA FEDERACIJE
BOSNE I HERCEGOVINE**

i

UNIVERZITETA U SARAJEVU – FAKULTETA POLITIČKIH NAUKA

Sarajevo, oktobar 2025. godine

PLAN OBAVLJANJA STUDENTSKE PRAKSE

Zaključen između:

Stručne službe Doma naroda Parlamenta Federacije Bosne i Hercegovine (u daljnjem tekstu: Stručna služba) sa sjedištem u Sarajevu, ulica Hamdije Kreševljakovića 3, kojeg zastupa sekretarka Doma naroda Aida Hadžić - Salkić

i

Univerziteta u Sarajevu – Fakulteta političkih nauka (u daljnjem tekstu: Fakultet političkih nauka) sa sjedištem u Sarajevu, ulica Skenderija 72, kojeg zastupa dekan Fakulteta političkih nauka prof.dr. Sead Turčalo.

UVODNE ODREDBE

Član 1.

(Predmet i cilj Plana obavljanja studentske prakse)

Ovaj plan za cilj ima nastavljjanje saradnje i obavljanje studentske prakse studenata Fakulteta političkih nauka u Domu naroda Parlamenta Federacije BiH (u daljnjem tekstu: Dom naroda), kao i izvještavanje o obavljenoj studentskoj praksi.

Član 2.

(Definicija pojma)

Pod studentskom praksom podrazumijeva se praktični rad studenata, bez naknade, a radi sticanja praktičnog znanja i primjene stečenog znanja sa studija u praksi.

PLANIRANJE I OBAVLJANJE STUDENTSKE PRAKSE

Član 3.

(Planiranje i trajanje studentske prakse)

Studentska praksa se realizira u četiri termina u periodu od 20. oktobra 2025. godine – 12. juna 2026. godine.

Studentska praksa traje osam sedmica, a studenti na praksi provode 20 sati sedmično, u definiranim i usaglašenim terminima kada nemaju planiranu nastavu, ukupno 160 sati (što odgovara vrijednosti 6 ECTS kredita).

Studenti obavljaju studentsku praksu u radne dane Doma naroda.

Član 4.
(Voditelj studentske prakse)

Studenti obavljaju studentsku praksu uz nadzor voditelja studentske prakse kojeg imenuje sekretarka Doma naroda Parlamenta Federacije BiH.

Voditelj studentske prakse održava kontakt sa mentorima, a po potrebi i sa Službom za nastavu i studentska pitanja Fakulteta političkih nauka, i prati obavljanje studentske prakse u skladu s ovim Planom.

Član 5.
(Obaveze studenata)

Student je obavezan obavljati praksu na način kako je to utvrđeno ovim Planom i u saradnji sa voditeljem studentske prakse.

U toku obavljanja studentske prakse student je obavezan poštivati propisane radne i sigurnosne mjere Doma naroda.

Student koji se ne pridržava propisanih mjera zaštite na radu, radne discipline i sigurnosnih mjera će biti udaljen sa studentske prakse. Stručna služba Doma naroda obavezna je o tome izvijestiti Fakultet političkih nauka.

Član 6.
(Potvrda o obavljenoj studentskoj praksi)

Nakon obavljene studentske prakse Stručna služba Doma naroda izdaje potvrdu/certifikat o obavljenoj studentskoj praksi.

IZVJEŠTAJ O OBAVLJENOJ STUDENTSKOJ PRAKSI

Član 7.
(Izveštaj o obavljenoj studentskoj praksi)

Izveštaj o obavljenoj studentskoj praksi sačinjava i potpisuje voditelj studentske prakse.

Izveštaj obavezno sadrži podatke: ime i prezime studenta, naziv visokoškolske ustanove, poslove na kojima je obavljao studentsku praksu, uspjehnost i komentar voditelja studentske prakse.

Izveštaj po obavljenoj studentskoj praksi Stručna služba Doma naroda dostavlja Fakultetu političkih nauka i Federalnom ministarstvu obrazovanja i nauke.

ZAVRŠNA ODREDBA

Član 8. (Stupanje na snagu)

Svaka strana potpisnica Plana obavljanja studentske prakse u pisanom obliku može predložiti drugom potpisniku izmjenu, dopunu ili raskid Plana obavljanja studentske prakse.

Plan obavljanja studentske prakse stupa na snagu nakon što ga potpišu ugovorne strane i vrijedi dok jedna od strana ugovornica ne zatraži njegov raskid.

Ovaj Plan je potpisan u 4 (četiri) primjerka, od kojih svaka ugovorna strana zadržava po dva primjerka.

SEKRETARKA DOMA NARODA

Aida Hadžić - Salkić

Broj: 02-03-1969/25

Datum: 20.10.2025. godine

DEKAN UNIVERZITETA U SARAJEVU – FAKULTETA POLITIČKIH NAUKA

prof. dr. Sead Turčalo

Broj: 02-03-1969/25

Datum: 21.10.2025. godine